

## 五修大成族譜新序

天開地劈慨三皇五帝之茫茫古往今來惜四生六道之滾滾生死生生復死本本水源世難忘國之史族之譜旨在瞻前盼後續其宗究其源長幼有序統其正糾其訛脉脉相連木氏自杼公受楊以來歷傳百餘世後裔遍佈華夏家乘互載大同小異原譜各有千秋自大宋淳熙戊申八年七十六世孫文富公首纂第一居大成族譜後繼而在大明永樂丁酉十五年八十一世孫宗信公會同東閣大學士翰林院編修士奇公戶部尚書榮公工部尚書薄公重修二屆侍後自六十三世祖輅公刺史吉州遂家廬陵時於大明萬曆庚申年復修三居大成族譜繼於六十五世思孝思聰二祖之裔居於瀏銅袁瑞間者於大清嘉慶甲子九年祠成株鎮榮進香火定牌登位後各支陸續支修多次始於中華民國戊寅二十七年邀集全族人推舉逢丙景頤二公纂成四屆大成觀歷代之譜冊正者多而誤者少尊輩者盡囑後人于下次譜牒工作中務宜慎之從事今族人散居四海星羅棋布半世紀來家乘頻臨失考續修五屆大成族譜勢在責無旁

貸之時余碌碌無為歷本居總管先炎家先生走書相邀參與五屆之纂修余孤芳自賞擬古人望塵莫及本着對祖宗子孫負責雖無新者開拓亦不墨守成規兼收併蓄旁征博引集思廣益試纂五居之大成也而譜者正因普其宗史者正因鞏其國由千萬支宗姓組成個龐大之祖國實乃中華民族五千年之氣概愛國愛家乃炎黃子孫千古之美德我宗三十五世祖伯起公留四知之遺訓揚清白之家風實可仰可敬後之族人理應繼往開來發揚光大以國法家規為繩爭祖國之光顯民族之榮作正人君子以慰宗存民族尊嚴以保國固而國無史則一國之成就不見姓無譜則一族老幼尊卑莫辨視一脉如途人豈不愧哉誠然願我族木本水源一脈流傳衍地厚根深葉茂百年支派挺天芳關西第內朝朝奮出新柯秀四知堂前代代永葆舊家風是為序

在五修譜牒全程中由於時間緊任務重涉及面已達三省十餘縣兼之按丁集資經濟開支受  
限用事人員少水平又低纂編過程中難免不發生錯漏之誤敬請全族讀者加以諒解之

岢

九十九世孫 昌祥 敬書

公元一九九二年壬申歲桂月 穀旦

## 楊氏宋朝老譜序

嘗因趨庭之暇佩學禮之訓而有得于禮之言云萬物本乎天本乎祖人之與物莫非天之所生古之聖賢所謂物以天言人以祖言是也蓋天者物之天而祖者又人之天物不本乎天則自形自色于宇宙之間者孰為總攝人不本乎祖則以嗣以續于世代之遠者孰為之根本日月之照臨風雨之鼓潤而根荄芽甲得以遂其生者此物之所以同乎一天也開之于前垂之于後而高曾雲礽有以及其遠者此人之所以同乎一祖也是則人之有卽物之有天也藉宗之澤而無報本之心是忘其祖卽所以忘其天也人而忘夫天尚何容於覆載之間哉噫是祖也乃人之所由本也然有所生之本又有所利之本與之于前傳之於後至於生生而不窮者此所生之本也置以田園貽以基業至於利利而不竭者此所利之本也凡厥有生孰不同有所生利之本哉夫既有所生復有所利是則人皆一本而我則二本矣今吾族享祖宗分授之田荷祖宗蒸嘗之利者得非所謂本乎和之中而復有產業之本也且閭閻小民鄉落農夫無立錫可貲而人心

天理未普不猶存拳已于春秋祭祀之日吁彼不忘所生之本念祖之誠且若是慇懃今承祖宗積累之本又有宗產業以為憑藉之本昌俾熾得所本于泣業肇之餘不飢不寒又得本于仰事府畜之際則報本之心宜何如哉楊之族始自宏農分出號邑徙于吉州遷士興國上世邢宗墳塋山川間阻不得掛掃惟唐朝始祖朝議夫夫官粵寓梅遂立家焉生三子長諱思孝諱思恭三諱思聰分為三房厥後奕葉相承又分為六房而始祖則六房共之然三房所輪之蒸則有西洋六石六斗酒米之田六·房所輪之蒸嘗則有鄭均灘頭一阡餘之稅以西洋為蒸嘗所祀者百祖崗五龍岡此則三年一收而吾之三房各有與焉鄭均灘頭為蒸嘗所祀者灘頭合葬之會祖參軍黃氏夫人也此則六年一收而六房各與其一焉使後之孝子順孫念祖宗造之艱難無前人責望之美意收其租稅祀其墳塋食具蒸嘗追其忌諱由長及幼已終復始雖萬世不能變也夫何子孫弗念厥紹任已私意壤昔良規為一時便急計利之謀而不思祖宗貽厥孫謀之道以六石餘米為大寡每年諸房所收僅獲升斗之利故蒸嘗之典因所得之鮮而不舉固可責也若鄭肉灘頭一阡餘秤之稅為大多六房糾集則其勢不得以祀親今則吾族之眾昭穆尊卑莫不皆

有一定序矣繼自今以往務宜協親愛之情明宗族之義收其租稅祀  
其坐毋得以大凌小以尊欺卑患難則相恤緩急則相周味百世不遷之言而服膺乎蘇公族譜  
之訓使孝弟之風藹然如春風和氣之可掬豈不美歟豈不美

大宋淳熙以年戊申歲恩進士十三世孫文富記

公元一九九二年壬申歲季秋月 重刊

## 楊氏明朝老序

嘗謂忝天之木必有其根懷山之水必有其源人之有祖亦猶是焉昔吾族之居梅也由宋迄今共濟其美稱著姓焉宋末族繁星東西幸賴我由恭軍公至先高如穆公自祖斌孫公祖清軒公伯父樹齋省齋震齊祖典房房子孫日加繁衍舊業亦頗增益而俯仰自足者是昔祖宗餘慶之所暨也豈敢忘其所哉吁天運一氣以育萬物故生生而不窮人原一祖以分九族故繩而永久何今之人族譜不修蒸嘗不舉或遺其宗緒者多耶是以脈士之生百世之下欲推其所自來而親睦其宗族者概不悉所由不過自養自有而族之孝弟雍睦名分親疎之類茫然不知嗟哉鳥俛而家獸走而娛猶旦徘徊顧羣尚恐外物之害可以人而不如禽獸乎是以慨然以祖宗親族為念上自高會以下類編成圖貽我後裔以寓羹牆之思焉俾吾後之若子若孫序親疎別長幼披斯圖讀斯究高會以上之遠親知根乎一氣極祖父以來之遠族知本乎一源使奉先之心油然而生則孝弟雍睦忠厚惻怛之念幾由此而興矣斯則信所切望也講贅一言以為記

岑維

大明永樂十五年丁酉歲花朝月吉恩進士文林

即晉江今十八世孫宗信記會同世稱

三楊大修

東閣大學士兼林院編修楊士奇校正

東閣大學士戶部尚書楊榮參訂

東閣大學士工部尚書楊溥修纂

士奇公一部蒙

聖恩親蓋玉印

公元一九九二年壬申歲季秋月 重刊



## 廬陵楊氏重修族譜序

楊之得姓始於成周至漢大尉公震宋文靖公龜山忠襄公邦義文節公萬里國初女貞公士奇以忠義煎業孝友文章後先輝映為古今著姓超軼人寰而上之其自錢塘徙居廬陵始祖為後唐虞部侍郎曰輅生子銳鋌俱徙吉水銳之四代孫素始徙泰和是為泰和始祖歷十八代而有文貞公故其譜於泰和特詳而他郡邑昔畧因有合族總譜自可考鏡云自嘉靖己酉重修迄今萬厯庚申又七十有二年南武選公嘉祚奉其先太僕公寅秋之命重加補輯以誌述先蹟昭示後昆甚美舉也亦至難事也得权父隱士寅冬博綜家學篤志搜羅日其孝母敬兄構風木樓以寄永墓拯兄柩以免漂淪為族屬鄉閭所共欽服故得奮其恒筆辨析考訂俾遺徙者明績其次系攀附者潛杜其混淆又念往昔枝派雖各詳明文名未免缺畧不知其人遑論其世乃裒彙行實舉要刪繁著為法程附於譜後久乃脫稿緘示武選公精研詳覈將授梓以遍給合族各守家乘且循往跡毀板以防增紊屬蕃序諸首簡幸附驥其何敢辭緬思往訓咸謂譜以人責重在自

立族以譜聯貴以敦本始以一人之身至視為途人不相識散於四方不可究詰苟其行誼足以質祖考則百代之精英必且為之感格其恩我足以字於屬則本支之神志且為之流通所稱世濟其美不忝前人表影端有倡必和豈異人任哉是在用心闇修知所自重者乃能為譜牒增重焉耳仁宗賜女貞璽書期以子孫克永與國咸休嗣後仁人輩出兒孫世臣今大伴公兄弟子忠勤報效孝友維風楊氏之煊赫蕃衍方未艾也豈非所謂然世所倚賴士民所瞻哉文貞公自叙謂家乘有義利兩途乃君子小人之判而望後人力學奮義以無忝於清白之風歐陽南野先生亟稱之曰公之言至矣顧後人力行何如不能有所加也會司寇事謂楊氏清忠偉節高文正學為士楷範況子若孫可不因譜而求無玷先人以盡尊祖敬宗之實乎蕃三復斯語亦願楊之後裔讀譜興思秉誠盡力其自僕大尉而下實式憑之庶幾文貞公之耳提面命歷百代其恒新也

哉

萬厯庚申歲仲春之吉

賜進士欽點狀元及第嘉議大夫南京禮部右侍郎朱之蕃顧首拜撰并書

公元一九九二年壬申歲季秋月

重刊

## 株鎮楊氏大成族譜總序

余少聞庭訓漢司徒楊伯起四世三公傳家惟清白二字當時以關西夫子稱之余心識其為人和長讀宋史見吾家上蔡公偕楊龜山先生立雪程門一則學在去矜一則道傳於南皆為理學大儒崇祀至聖廟堂訖於有明三楊相業又與吾家女正公後先輝映稱為三代下間世大人物不數數親者無惑乎通家後學高山仰止慨然動百此之思也今歲民國戊寅貴族袁瑞瀏銅諸彥秀設局康樂株鎮清德祠創修大成族譜纂修閣星心傳兩先生余舊好也不以余不文走書請叙於余且曰吾族自杼公受姓於周封邑於楊椒衍瓜繁代生賢哲謹輯為世畧載諸譜前以訓後嗣尚已而譜則以漢司徒震公第一世自震公以下支分派別棋布星羅於袁瑞瀏銅間率皆編集家乘而族譜闕如茲特蒐採遺編集合萬牒正訛補闕創為族譜以數百年渙散之族十餘支分編之譜一旦渙者萃分者合若網在綱有條不紊譜王之告竣也願得子一言以光余唯不獲辭顧周官有言宗以族得民夫族者聚也譜者普也聚家族以成宗族普而親之使不至

等於途人譜之始事也聚宗族以成民族普而愛之使不至夷為異類譜之終義也蓋宗不失親民吾同胞由仁義行天下所以大一統世余觀楊氏族譜始祖斷自震公自漢以來世德日新如木焉千枝萬葉生於一本如水焉千派禹流統於一源固光遠自他有耀者也自三代下宗法不存歐蘇二公始各為譜法以救濟之俾觀於譜者人人親其親長其長油然而生其孝弟之心而天下以平此修譜微意也惟時至今日國難方殷民族安危匹夫有責倘族其譜而不能族其心譜其宗而不能譜其力則尼山天下為公大不各親其親不各子其子之大道徒為空言而不能見諸實事矣民國其何以復興民族其何以大同乎余願楊氏纂編諸子勉之弘清白之餘風守四知之遺訓敬其宗收其族愛其國以親其民因而繼往開來人則為理學師儒出則為救時俊傑其足為宗族光為民族柴者豈有涯涘哉為序

前黎大總統府顧問二等嘉禾章簡派全國政治善後討論委員會委員眾議院代議士省議會議員萬載縣議會議長清壬寅科舉人 謝濟沂

中華民國二十七年戊寅孟秋月 穀旦  
公元一九九二年歲次壬申季秋月 重刊

## 瀏陽孫家塢族譜原叙

周立宗法親親之道冠軼古今秦變封建爲羣縣宗法遂廢能存宗法之遺者則惟譜牒漢時同姓通譜史蓋罕書自兩晉迄唐如石勒引牒爲宗室侯瑱託景爲宗族周宏正趨石珍而溺加愛敬李揆見國輔執子弟之禮彙皆本源淆混樹黨私轉使古先王明德親族之至意日失其真迨宋廬陵歐陽氏眉山蘇氏者出爲譜牒推行於世人爭效之故語牒以濟宗法之窮實昉於此宗君子海門董株溪祠事相見稔矣晤談修譜博諮周訪不厭求詳殷然以敬宗收族爲心若有積久未伸之憾歲丙午率其本枝同出來劉和守乾公者續修家譜譜成徵序於守洛守洛披其顛末叙例謹嚴詳原委序昭穆別內外明親疏隱行有無相調患難相顧和率爲

善勻納於邪仁乎哉海門諸君子之用心可謂切於時要矣方今海國交通異教尊說紛樹門幟尚幸篤行之士不濡染耳目之新奇肫匕乎一守敦本書倫之學董子所謂天下不變道亦不變者其有得於斯乎夫天下

者一家一族之積也積天下之家族生成教誨使皆親親長長相維相繫有以盤固其宗族天下不足平也豈特宗門之華袞已哉是為叙

皆

光緒三十二年歲次丙午仲秋月中澣 穀旦

光緒壬寅補行庚子辛丑並科舉

宗末道波守洛 拜撰

公元一九九二壬申歲季秋月 重刊



## 瀏陽南坪族譜原序

歲癸卯余自都假歸底省適鄉試三場畢同邑陳君廷資楊君同星來謁余時西匪旋滅旋起官軍久無功同星言匪多寶民湘從動撫兼施。則平之矣又言新軍初練省城兵過甚一旦有急必無以應之時余異其言已而皆驗乃知同星之識確有過人處閱可朱余督辦邑中團練同星間一與議卒以制不肯與公事又有以知其守禮者篤也今年夏余奉旨召見將行同星適有事于家譜余為序其端余惟自宗法廢家國遂以多故今團練改良官責成于團並責成於族故凡族之長莫不有官諭一通意以謂一族自治則及於鄉一卿自治則及于邑而廣於國矣同星復何求乎但振族綱約族法克自治以為各族倡則所以光家乘者大矣若夫泝其源澄其流率由歐蘇而忝以近時通例族之界君子固率由歐蘇而忝以近時通例族之界君子固有勝其任者余不暇贅及焉 光緒三十四年戊申夏廣西補用道現充坊方自治局總辦前

欽點主事良生劉人熙 謹序

公元一九九二年壬申歲 季秋月

## 株溪後桂新修支譜原序

聞之國有史家有譜國無史則一國之事蹟莫傳家無譜則一家之尊卑莫辨譜之係於一家楸不重哉蓋自嘉慶甲子秋一族建祠株市以來祖廟固已成矣祖廟成而譜牒不可不修顧有族譜有支譜族譜修而支譜猶可或後族譜未修而支譜不得不修支譜即為異日族譜地也吾姓自震公流傳後千有餘年族大支繁人已綦布星散合一姓之族譜而修之勢必難以驟舉故自嘉慶庚辰秋子與伯叔兄弟告曰族譜難而修支譜較易人莫不以予言為然也夫吾支人數已有數百而佳居在萬在宜在萍不一其地近者可得而知遠則難以深識苟不登之譜牒至親者不幾易視為疎乎故自從周公以下編立派行四十字爰即從字推下辨名定分序長別幼而一家之昭穆瞭然矣即後之子孫詢及派行世次亦識某某為何人父兄某某為何人子弟且詢及祖上源流知其祖并知其礼之知其孫并知其孫之孫前後本本水源日久不忘雖異地不忙然同堂哉雖支譜不猶然族譜

嘉慶二十五年歲次庚辰 冬月

十世孫承謨 敬撰

公元一九九二年壬申歲季秋月 重刊

## 株溪後槎支譜源流原序

木必有本水必有源雖枝幹紛出蔽日干霄而究其根則一也江流萬里分支衍派而窮其源不殊也人之於祖亦然吾楊氏肇封鼻祖於楊國古姓或以國或以官或以山川或以先諡楊因其國故有然也而先世譜牒則斷自關西郡守大尉擢三公震公始由震公傳至六世祖安國公為晉朝宏農令十世繼植公為都督指揮使十一世暉公為僉御史封端公十五世文異公刑部尚書二十二世虞卿公監察御史僉去文閣學士三十五世巖公左丞相十六郁公徇書右丞相三十一世尚明公狀元及第四十世圭公由進士任司戶參軍擢兵戶部尚書總督河陽軍務圭公生子如穆如穆遞至元珍及至我從周從周公生子法旺法旺公生子萬三郎傳四傳五郎萬三郎之孫廷祿公也傳四之孫顯忠公也傳五郎之孫必明公也三房之子孫由廣東惠州河源縣遷徒江西南安府南東縣厥後又有他志康熙甲戌年間秀朴秀茂秀魁秀生四公又由南康遷袁州萬載株溪後槎厯至嘉慶二十五年庚辰子孫繁衍戶口日增倘不有譜牒以聯之百

餘年後不幾視為途人乎禮日五世祖免六世親已竭昭穆似可不必辨然先王之制服雖有限而仁愛無窮譜牒安可不先哉故由七身而上治禰不忘本也由己身而下治子孫不遺親也尊和故敬宗敬宗故收族先王敦本之意依然不失俾後之子孫繼繼繩繩不可以考源流而知有所自哉是為序

嘉慶二十五年歲庚辰冬月

十世孫 文韜 敬撰

公元一九九二年壬申歲季秋月 重刊

## 梅州老譜序

古者諸侯卿大夫世家世國而立大宗小宗之法敦本睦族之風藹然相望厥後宗法不明其勢浸渙而不治且數十百年以來雲仍相繼轉徙無常人各祖其祖世。各宗其宗藉非有譜以哪之何以定名分以崇敬使人知報本道遠也我楊氏發源甚久始於晉之伯僑自晉歸周 周王念其先人功封為楊侯其後子孫遂以楊為氏延及後代居於秦關宏農最著如漢之楊震四世三公是故楊姓又以屬宏農郡焉自是生齒益繁徙居漸廣如家於江西之樂安者四十五世孫暉公也奉使吳越因道阻遂居浙江錢塘者五十八世承公也而六十四世輅公之子雲公名聳者乃遷梅州之祖也自雲岫公以下時代差近墳墓在梅春秋祭碑碣影彰可考子豫或居本郡或徙他邑莫不奉雲岫公為始祖傳至七十四世楚珍公總督河陽卜葬梅之金盤崗生子如穆公逢宸公如穆公仍居梅而逢宸公則遷於浙杭金梅之榬潭干脉仍逢宸公之裔也逢宸公號應達生子亮工公亮工公生子建中公建中公之姑即宋度宗之妃楊大后也當元兵追逼公

輔姑奔走後至廣州之新會崖山奉張丞相世傑命往高州募兵聞太后及幼主遂不出因家於高州茂名至七十九世恒公字表卿避亂居雷州海康子以吾公為雷州府學生

因事回梅於潭居焉是逢宸公雖遷浙而梅之欖潭仍為其裔也由斯以推支分派別散處異方者衆矣雖各立家譜而未能聯貫而為一今幸續修楊氏總譜開局梅州凡數百年之可考譜而知者安忍其闕畧而不為之整理以示後代也於是上溯受姓以來下至雲岫公以後世次久長遷徙不一務使遠脈近脈按譜而知宗派之何屬輩行之先後祖宗之世系已詳而子孫之氣誼可為雖異地若同堂也蘇老泉有言觀吾譜者孝敬之心由然而生則數十百世之子孫能上以尊祖下以睦族誠有厚期於茲譜也歟

九十三世孫戊午科舉人鴻舉 敬譔

公元一九九二年壬申冬月穀旦 重刊



## 白水續修支譜序

譜之一書所以一姓之源流世系俾知淵源一貫亦以志奕世之祖功宗德旨使沒世不忘者為我族楊氏自受姓以迄今其間分移遷徙播及海內得而支分派別忠孝節義炳耀當時得而彰明較著者非譜牒之功曷克臻此故吾家宗譜屢經先輩疊修自周而秦漢而隋唐而宋元明以逮清無不瞭如指掌朗若披圖何侯余復贅一詞乎第以我祖受慶公各福遐更字開盛於康熙四十二年癸未自粵東鎮平而之江西袁萬之白水相厥攸居築室於茲置產立籍為久遠計乃不百餘年孫支蕃衍移遷我覃施於遐邇遠近者不可勝舉其不至視親如路人數典而忘者幾希是歲春內以續修屬余余也上承祖德下念兒孫雖不揣固陋敢告厥勤勞乎然稽舊譜而知開盛公自來萬而後譜牒凡三修矣而修於道光元年辛巳者念係同宗則合雙料樹沙坑玉麟公一支大橋梓塘坑仁志公一支其雲軸公為遠祖善生公為始祖者皆自其合修言之也至於咸豐辛亥年則幸故寺煨新建宗祠以祀開盛公是以開盛公為始祖矣今修譜而及合三

支亦繁乎與其合三支之繁曷若我一脈之尤為親切也因偕侄定河檢錄丁男漸次編輯潛心斟酌不敢稍為疏忽帙成源流世系一覺無遺功宗德矢不談也是所幸矣若夫爲善繼而兼善述是

又望後之修譜者

同治七年歲次戊辰仲秋月穀旦

嗣孫鼎臣 敬書

公元一九九二年壬申 重刊

## 大橋憲清祠序

大橋古稱牟村踞樂西市結大村落為吳楚通衢戶口殷繁屋宇比田疇之肥渥商賈之輻輳人才之輩出駸比乎將有日異月盛之勢環境內而居者類皆淳樸謹之士有顯於時有名於世蓋所謂山明水秀之區人傑地靈之域也民國二十三年歲次甲戌地方恢復樹沙坑家祖玉麟公有祠宇一所在大橋劉家煨與藍祠基址毗連其祠孫以該處屋宇朽壞不願貸金重修爰邀頭等參，加集中力量擴大規模願旋名集各支神耆開會討論辦法定名曰憲清祠設立五級牌位以乳念先人並訂定玉麟公支不原有牌位照舊安享其淑文公私有星宇完全出貲承購以清權限業經麟文二公後裔估定價目立約書契交易清楚嗣後諷 吉監造改換門面或仍舊貫其地址廣任祠採用擴修不致異議所有費用由祠負擔頭等先年老會准予參加免致向隅聯絡感情鞏固團體無逾此舉者宜乎一堂雍睦羣然樂從也朱子祭禮云君子將營宮室宗廟為先是祠堂之設由來尚矣斯地也承吳楚川嶽之靈挹銅萬山水之秀前瞰大江河水澄澈環

繞曲抱後枕高阜樹木蒨葱氣象萬千汽路橫帶長橋卧波江外對案有山宛肖人形峯巒獨秀  
村後有尖峯曰白石高並卓筆秀插天際而村之左右更有龍虎砂纏坐鎮羅城獲此

基礎雖祖宗栽培甚厚而亦先人貽謀更深誠千秋希有之美舉百世之圖也蓋劍建宗朝是尊  
之盛意安安先靈亦敬宗之良規且以各支澳散之子姓猝然而使之聚首一堂俾吾族得以薦  
蘋藻而享馨香嚴封越而肅駿奔以享以祀如見如聞或肆或將在在上在旁降在庭豆常新從此  
焚椒筑鬻克奉明報本追遠田展孝思宗支榮顯子孫蕃衍克自厥後此祖德難忘而寢廟  
所以聿觀厥成也是為序

前德安縣政府學務課課長確山縣政府金庫管理員袁州府官立學畢業建築委員會主任委  
員後學景頤心傳甫 謹撰

憲清祠建築委員會委員

心傳行邦予元  
覺愚劭奩輪和  
慶餘日厚价臣  
才香國信軒清  
星恆日晃梅桂  
炳發逸農恆和  
炳新盛初能清  
連發仁厚龍厚  
煌修來香添和  
樹勛

瀏陽南坪祠宇圖記

咸豐七年丁巳歲譜成繪圖即以南坪祠屋冠首蓋慎三公父子來瀏始基之地也第該業

該屋雖舊傳亥山已向究不識置自何年建自何歲簿據未有載前輩亦失傳聞惟吾少時聞先君子云慎三公命次子先和存誠適瀏置業後始挈家眷而來時吾公生纔一週也由是言繹之吾祖生康熙六十年辛丑是立業在康熙之末建屋當在雍正之初大畧可知矣噫是基也觀龍勢則英偉異常矣觀穴星則靈緊奪目矣至山峯之

聳峙水口之灣環皆有目共賞不獨當年之探擇者精亦列祖之福蔭者厚也迄今歌哭斯已百數十年矣雖予孫貧富貴賤之有分不得以虧損房分疑也夫亦天地之鐘毓祖宗之培植勤儉有德者福之故耳歷年久而神龕朽合族商議欲重修者半執俗見者則謂修祖星每多不吉欲仍舊者亦半界論紛紛幾艱憑信乃於道光壬寅冬將香火請出於外歷數年而山向不利至丙午擇吉始將門首地增潤四五尺併起左右門樓次年丁未六月初二己酉日亥時起手監大門築經牆神龕立進五尺前廳地基升數寸上下兩棟俱增高二尺至十一月初入甲申日亥時進香火安主位改作寢廟之規觀之者莫不嘉嘆為美舉也今越十載各房安享無事知列祖有靈冥乚福之首事者幸無錯舉之責矣倘後有賢能者出不妨將寢堂再進數尺則後龍之氣

勢左右之照砂更覺紫湊上下堂改濶七八尺增為三門規模自更宏嚴但據吾之所見如此其果是乎否乎深有待乎明斯理者審以決之慎毋稍知一二而遂無知妄作也吁既有祠字以妥先靈又有譜牒以聊族類蔚然成一族之光矣況契買大坪裡屋宇田山永為血食之需尤足增光俎豆以隆祀典于不朽乎是為記

昭萍元孫旭齋

謹撰

公元一九九二年歲次壬申仲冬月穀旦

重刊

## 花木前合修族譜序

辛未仲秋與棗木昌祥家先生叙談合修族譜事誼情殷意篤商議一致經我正旺公支下文甫賢甫在甫三公屬子孫長分長明長遠長奎興何興明興富興貴興金興連德才等商議意同均認為修族譜是一件可喜慶大事叙昭穆辨親疏聯族屬敦水源木本之舉也乃上溯源流一脈相承下昭子孫条理清順迢遙卷帙浩繁循序不至於視族姓若途人視親疏而不究生歿葬婚而不序者也余花木前楊氏之源流溯自道光丙午公元一八四六年第一屆譜叟文之序言與光緒乙酉十一年公元一八八六年二居譜鄭之良序言及民國丁卯十六年公元一九二七年三屆譜囧星先生序言所述我楊氏上溯周康王六年戊辰歲即公元前一零七三年封杼公食采於楊國以楊為在蓋籽公為一世之始祖也至三十五世漢大尉震公六十三世輅公輅公長子雲麟公遞二十三世生爾卓公卽明正德丙寅年公元一五零六年爾卓公遞五世生正旺公崇禎壬申公元一六三二年正旺公生文甫賢甫在甫三公遞九世至今長字派一百世矣經



從三屆譜牒記載考證自先祖漢大尉震公後裔歷居華陰迄至唐人佑元年丁未公元九零四年六十一世祖禪公遇難妣周氏噀爭逃至浙江錢塘生腹子文友公遂家於此文友生輅公公官南唐虞部侍因刺史吉州遂家於廬陵之郡城輅公長子分居吉水楊家莊與湓塘逐世丁灶昌盛后裔散居各地雲憐公六世孫真道從吉水楊莊遷徙袁州府萬載土橋頭宋元符戊戌歲公元一一一八年距今八七八年真道十世孫爾卓公從土橋頭遷宜春之余家坊嘉靖四十二年癸丑公元一五六四年爾卓之子慶八慶九二公山行六七里忽焉開谷於花木前也人烟栢比田宅腴潤我祖愛山水之勝樂田園之沃適明崇禎壬申公元一六三二年正旺公出生於此塊得天獨厚之土地上歷代祖先辛勒耘瓜綿瓞衍傳至今已近百戶數百丁矣今歲壬申得與株鎮輅公五子雲岫公清德祠中合修家乘深感岫公之裔不視我正旺公與其源遠支异聯為一體實為榮幸願後裔加強團結族誼益深入文蔚起石世昌盛光前裕後長垂不朽也哉是為

## 序

肯在

一百世孫長祥 敬撰  
公元一九九二年歲次壬申仲冬月 穀旦